

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 19.06.2018թ. թիվ 1808154072 որոշումը բեկանելու և վարչական իրավախախտման վերաբերյալ գործը կարճելու մասին

<<31>> 08 2018թ. 14-13-94258-18/14-13-10098

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Գայանե Սարգսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գյուլիքեխվյան փողոցի 23 շենքի 50 բնակարանի բնակիչ Գայանե Սարգսյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 19.06.2018թ. թիվ 1808154072 որոշմանը՝ նշելով, որ այդ հատվածում բացակայում է 5.15.1 <<Երթևեկության ուղղությունները գոտիներով>> ճանապարհային նշանը:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 9-րդ հոդվածի 1-ին մասի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Ճանապարհային ոստիկանության ճանապարհային երթևեկության հսկողության կազմակերպման բաժնի 28.08.2018թ. տեղեկանքի համաձայն՝ Երևան քաղաքի Ֆուչիկ-Մարգարյան փողոցների խաչմերուկը կահավորված չէ 5.15.1 <<Երթևեկության ուղղությունները գոտիներով>> ճանապարհային նշաններով:

Այսպիսով, Ճանապարհային ոստիկանության վարչական տույժ նշանակելու մասին 19.06.2018թ. թիվ 1808154072 որոշումը ենթակա է բեկանման՝ զանցակազմի բացակայության պատճառաբանությամբ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.06.2018թ. թիվ 1808154072 որոշումը բեկանել և վարչական իրավախախտման վերաբերյալ գործը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Գայանե Սարգսյանին:



Ե.Կարապետյան